

Sakspapir

Saksnr	Utvalg	Type	Dato
016/20	Formannskapet	PS	13.02.2020
007/20	Kommunestyret	PS	13.02.2020

Saksbehandler	Arkiv	ArkivsakID
Kari Torkildsen Utkilen	FA-C11	20/153

Fritidskortet

Framlegg til vedtak:

Austrheim kommune søker Bufdir om tilskot for å ta del i forsøk med fritidskort for haust 2020 og vår 2021

Formannskapet - 016/20 - 13.02.2020

FS - behandling:

Helge Dyrkolbotn (KrF): - Eg ser at det kan bli vanskeleg å halda fram når forsøksperioden går ut, men me kan ikkje seia nei, og må berre søka om å få vera med.

Rådmann Liv Løvvik sa at ordninga med fritidskort skal vera universell. Etter utløpet av prøveperioden så må ein eventuelt behovsprøva det. Austrheim har 22 born som er under grensa for fattigdom, og dei skal kommunen klara å hjelpa uansett.

Handsaming i formannskapet:

Samrøystes for rådmannens framlegg til vedtak.

FS - vedtak:

Austrheim kommune søker Bufdir om tilskot for å ta del i forsøk med fritidskort for haust 2020 og vår 2021.

Kommunestyret - 007/20 - 13.02.2020

KS - behandling:

Gro Kaland (Sp) spurte om Austrheim har 418 barn i målgruppa låginntektsfamiliar.

Rådmann Liv Løvvik svarte at det her vert laga ei løysing med fritidskort for alle born. Om det så viser seg at det ikkje kjem vidare støtte i år to, så må ordninga verta behovsprøvd. I dnene omgang gjeld det at administrasjonen må ha kommunestyrets godkjenning til å søka.

Handsaming i kommunestyret:

Samrøystes for rådmannens framlegg til vedtak.

KS - vedtak:

Austrheim kommune søker Bufdir om tilskot for å ta del i forsøk med fritidskort for haust 2020 og vår 2021.

Saksopplysninger:

Bakgrunn

Bufdir lyser nå ut midlar til forsøk med fritidskort for haust 2020 og vår 2021. Søknadsfrist 14.02.2020.

Fritidskortet skal vere universelt og for alle barn i alderen 6 til fylte 18 år. Midlane i fritidskortet skal bidra til å dekke deltakaravgift til faste, organiserte aktivitetar. Målet med fritidskortordninga er å bidra til at fleire barn og unge får delta i fritidsaktivitetar med medlemsavgifter. Målet med forsøket er å hauste erfaringar med fritidskortordningar. Alle kommunar kan søkje på forsøksordninga. Søknaden skal vere forankra på øvste administrative og politiske nivå i kommunen.

Vurdering

Kommunane vil få tilskot på mellom kr 800 og kr 1000 kroner per barn i målgruppa per halvår.

I tillegg kan vi søkje om utviklingsmidlar/administrasjon. Utdrag frå nettsida:

https://bufdir.no/Tilskudd/Soke_om_tilskudd/Barn_og_ungdom/fritidskortet_pilot/

- Prosjektet skal starte opp etter tildeling og vare frem til 1. august 2021, med mulighet for forlengelse til 31.12.2021. Kommunen skal rett etter tildeling starte planleggingen av arbeidet med fritidskortet. Fritidskortmidlene skal dekke aktivitet høst 2020 og vår 2021.
- Søknader skal være forankret på øverste administrative og politiske nivå i kommunen.
- Kommunen skal tilrettelegge for at flere aktører, som lokalt næringsliv, sosiale entreprenører m.fl. skal kunne bidra med midler til ordningen.
- Kommunen må selv dekke eventuelle kostnader til administrasjon utover det de mottar i tilskudd fra Bufdir.
- Samarbeid med frivillig sektor skal stå sentralt i arbeidet.
- Barn og ungdom skal involveres tidlig i utviklingsarbeidet. Det er opp til kommunen å vurdere hvordan involveringen skal foregå.
- Kommunen skal sørge for å gjøre fritidskortet kjent i målgruppen og blant relevante aktører.
- Kommunen bør se arbeidet med forsøket i sammenheng med eventuelle andre eksisterende tiltak eller ordninger som skal bidra til økt deltakelse blant barn og unge.
- Forsøkskommunene skal selv finne egnede løsninger for tildeling av fritidskortmidler.
- Forsøkskommunene tildeles et tilskuddsbeløp for perioden 2020 – 2021. Eventuelle ubenyttede midler fra utbetalingen i 2020 kan overføres til 2021. Utbetaling av midler i 2021 gjøres med forbehold om Stortingets bevilgning. Bufdir kan be om tilbakebetaling av restmidler etter endt forsøksperiode eller sette nye vilkår for bruken av disse i forsøkskommunene i tråd med formålet de er bevilget til.

Ordninga med fritidskort er svært positivt for at alle barn og unge kan ta del i aktivitetar, uavhengig av familiens økonomi. I Austrheim kommune er det ca 12,4 % barn i hushald med låg inntekt (tal frå Bufdir). Aberet med å ta del i pilotprosjektet fritidskort, er at prosjektet berre varar i to halvår, haust 2020 og vår 2021. Dersom ikkje fritidskortordninga held fram etter prøveperioden betyr det at familiar sjølv må betale medlemsavgift. Det kan føre til at nokre barn av økonomisk årsak ikkje får fortsette på fritidsaktiviteten etter denne perioden.

I følgje Bufdir har vi 418 i målgruppa og vi kan vi søkje om kr 418.000 i halvåret. Midlane er øyremerka til fritidsaktivitetar for målgruppa, og skal bidra til å dekke deltakaravgift til faste organiserte aktivitetar.

Administrasjonsmidlar skal brukast til utvikling og administrasjon av prosjektet, og Austrheim kommune vil søkje om kr 50.000,- per halvår til prosjektleiar, og kr 100.000 per halvår til utvikling av ein Fritids-App og system for lettare organisering av fritidskortet.

Dersom Austrheim kommune får tilskot til fritidskort, må det lagast ein prosjektplan, og stillinga som prosjektleiar må plasserast i organisasjonen.

Forslag til budsjett i søknaden:

INNEKTER	2020	2021	TOTAL
Tilskudd fra Bufdir (fritidskort og adm./utvikling)	568 000	568 000	1 136 000
Lokal finansiering til deltakelse i aktivitet	0	0	0
Sum	568 000	568 000	1 136 000
UTGIFTER	2020	2021	TOTAL
Deltakelse i aktivitet som dekkes av tilskudd	418 000	418 000	836 000
Administrasjonskostnader som dekkes av tilskudd	150 000	150 000	300 000
Deltakelse i aktivitet som som dekkes av lokal finansiering	0	0	0

Konklusjon

Austrheim kommune søker Bufdir om tilskot for å ta del i forsøk med fritidskort for haust 2020 og vår 2021